

sex cyathos vrine emisit, quanquam multa fuerint exhibita, vt syrupus de radicibus, & daucus Creticus. Cum per sedecim dies autem integros nihil omnino vrinae reddere posset, nunc per tres dies rursus habuit vrinam tam crudam & turbidam, vt mirari aliquis merito posset. Porro p nouem dies continuos vigilauit, ita vt in conuulsionem totius corporis, cum febris & amissione vocis inciderit, & nunc patitur continuam contractionem omnium membrorum. Habuerat autem ante aliquot dies vomitum copiosum ex materia pituitosa & biliosa, ac item fluxum ventris. Cum igitur tantum esset periculum, petiit deliberationem reici in diem insequentem: sed vt tunc etiam aliquid adhiberetur, est clystere ordinatum.

R. Centaurij minoris

Anethi

Chamæmilæ ana M. j.

Parietariæ M. ij.

Fiat decoctum in iure pulli, deinde addantur

Olei anethini ꝑ ij.

Mell. ros. ꝑ ij.

Hieræ picræ ʒ vj.

Misceantur pro clystere. Deinde actum est de phlebotomia. Montanus omittere malebat, propter tempus frigidum, & virtutem oppressam à materia crassa, & frigida. Sed quia Frachanzanus & alij vrgebant, qui ex prioribus visitationib. virtutem constare affirmabant: illis quantumuis inuitus concessit, quod non sit præstantius remedium in spasmo, quam missio sanguinis, si virtus & reliquæ circumstantiæ concedant. Vngatur autem totum corpus cum hoc vnguento.

R. Olei anethini ʒ ij.

Chamæmelini ʒ j.

Olei de spica simp. ʒ s.

Adipis anserini, sine sale ʒ j.

Misce, & fiat linimentum. Et quia de singulari cordis languore conquestus est, ordinauit hoc pro corde linimentum. *Pro spina dors. vero Olei Nardini ʒ i.*

R. Specierum chordial. ʒ ij.

Vnguenti rosati Mesuæ recentis ʒ j.

Ambræ

Musciana gr. j. Misce.

Ad confortandum cerebrum iusserunt inspergi hunc puluerem capiti.

R. Ladani electi ʒ iij.

Spicæ

Stœchados

Maioranæ

Rorismarini

Asari ana ʒ j.

Puluerizentur minutissimè, & inspergantur capiti. Pro potu hæc accipiat:

R. Cinamomi electi ʒ ij.

Anisi ʒ iij.

Sacchari ʒ iij.

Decoquantur in aquæ communis ℥. vj. ad horam integram, & bibat. A vino absteineat, diæta vtatur tenuissima, & attenuante.

CONSILIUM LIIL.

De diuersis dispositionibus præter naturam, cū metu futura apoplexia, pro illustriss. Duce

A *Bauariæ. Datum anno 1546.*

P

ROBABILE admodum est, Magnificum hunc & nobilissimum virum à natiuitate laudabilis fuisse temperaturæ, neque in corporis compositione deliquisse: audio enim & bono habitu constare, semperque constitisse, & esse carnosum, rubei ac floridi coloris, hilarem, ingeniosum, prudentem, & rebus agendis idoneum. Quæ quidem

B indicant, non tantum corporis temperaturam bene habere, sed membra quoque omnia principalia in idem exquisitissimè conspirare. Si quò igitur morbo vel laborat, vel hæctenus laborauerit: non est, iudicio meo, vitio corporis, sed victus rationi tribuendum. Cum tamen calidioris hepatis sit, plurimumque sanguinis generet, parumque exerceatur, & lautissimè viuat: non est postea mirum, si ex redundantia in varias ægri- tudes semper inciderit, & primò in adole-

C scentia in tertianas febres, & icteritias, ob feruorem ætatis, bilis copiam, & malam victus rationem: deferuescente autem ætate, dum calor non ita acris adesset, frigidiores postea morbi inuaserunt, vt testiculorum, calculi renum, iliaci affectus, vlcera crurum erodentia propter humorum adustionem: & nunc cum tantum sit in primo senio constitutus, totque morbis subiiciatur, periculum est, nisi exquisitissimè sibi caueat, & præcaueat, atque iterum caueat, ne in apople-

D xiam tandem etiam incidat, aut subito suffocatus intereat, præcipuè cum videatur hoc illi esse hæreditarium ob similem patris interitum. Oportet igitur, vt tanquam prudens & temperantissimus vir muniat se, atque ab imminentibus periculis se custodiat: quod non ita difficile efficiet, si ratione & fideli medico velit obtemperare. Neque enim, vt prius dicebamus, vitium aliquod naturale in hac corporis structura esse opinamur: sed sola deprauata victus ratione contractum.

E Incipiet ergo à fundamento solido & necessario, vbi tandem totam præseruationem, totam etiam curam inueniet, sine quo nihil exequi poterit, & quo solo omnia facile exequetur. Fundamentum illud est, vt in sex rebus non naturalibus, quantum fieri potest, nihil delinquat. Exercitiis vtatur moderatis: euitet omnis aeris excessus, omnesque animi molestias: quotidianam alui excretionem procuret: somnum meridianum effugiat, omninoque ad vigilias potius declinet:

F sed præ reliquis omnibus cibum & potum moderetur. Cauet ab aromatū vsu, qui mos apud Germanos plus nimio viget. Vnico cibo contentus sit, ferculorumque ac omnium esculentorum copiam euitet. Ideo à lautis mensis, & communi nobilium cōiuctu, & computationibus quammaximè potest absteineat. Iuniores carnes comedat, sicut hædorum, vitulorum lactentium, pullorum, perdicū: oua etiam recentia & sorbilia conceduntur. A piscibus, leguminibus, pastilibus, lacticinis,

G rebusque omnibus frictis absteineat. A vino quammaximè absteineat: in vino enim omnia ferè inueniet detrimenta, suarumque omnium ægri- tudinū fomenta. Sit ergo vinum vel nullū (si fieri potest)

Cibus & potus

Vinum